

30.09.2011.



SAOPŠTENJE ZA MEDIJE

47 sudija, tužilaca, predstavnika policije i novinara, članova Vijeća za štampu u BiH, učestvovalo na dvodnevnom seminaru

„SLOBODA MEDIJSKOG IZVJEŠTAVANJA I LEGISLATIVA U BIH“

Novi mediji - Novi izazovi

Najavljena suradnja Vijeća za štampu u BiH, Tužilaštava, Policije i Sudova u akciji „Niste nevidljivi“, za otkrivanje i sankcioniranje osoba koje svojim anonimnim komentarima na internet portalima šire govor mržnje i klevetu.

Vijeće za štampu u BiH je realiziralo dvodnevni Seminar „Sloboda izvještavanja i legislativa u BiH – Novi mediji i novi izazovi“, za predstavnike pravosuđa i medija iz BiH, u Banji Vrućici. Ovaj seminar slijedi višegodišnju edukacijsku praksu Vijeća za štampu sa predstavnicima pravosuđa, a ovom prilikom je, u izuzetno produktivnom dijalogu između novinara, članova Vijeća za štampu, sudija i tužilaca, te predstavnika policije, tematski otvorena diskusija o aktuelnom pitanju Novih medija - internet portala i socijalnih medija, u kontekstu slobode govora, profesionalne odgovornosti i zakonske regulative.

Posebno puno je posvećeno pažnje problemu širenja govora mržnje i klevete u anonimnim komentarima posjetilaca internet portala. Anonimnost ne znači da osoba ne može biti identificirana i procesuirana ako se utvrdi nanošenje štete širenjem govora mržnje i klevete. Odluka Upravnog odbora i Žalbene komisije Vijeća za štampu u BiH, za sprovođenje akcije „Niste nevidljivi“, dobila je punu podršku od predstavnika policije, tužilaštava i sudova. Akcija podrazumijeva otkrivanje IP adresa i procesuiranja osoba koje svojim huškačkim komentarima i širenjem govora mržnje uznemiruju javnost, nanose štetu pojedincima i posebno nanose štetu ugledu profesionalnih internet portala.

Vijeće za štampu je proširilo svoj mandat na on-line medije u decembru 2010. godine, tako je BiH među prvima u Europi započela primjenu samoregulacije na on-line medije. Prvi on-line članovi Vijeća su portali sarajevo-x.com, dnevnik.ba i 24sata.info.

